

# IO. PHILIPPI S L E V O G T I I, D.

in Academia Ienenſi Anteceſſoris, Facultatiſque iuri-  
dicæ h. t. ſextum decimum Decani

## PROGRAMMA

Clariffimi ſummorum in iure honorum

CANDIDATI


FRIDERICI GVILIELMI  
MVLLERI

Iſenbytani in Luneburgicis

INAUGVRALI DISPTATIONI

De

LEGVM quarundam Iuſtinianearum non vſu in Germaniæ  
foris, ex earundem rationibus necquidquam probando  
*præmiſſum.*



IENAE M DCC XXVI

LITTERIS MVLLERIANIS





*EXTREMUM hunc Aetbusa mihi com-  
cede laborem.*

Haud nefas fuerit, eadem me verba; sed san-  
ctioris fontis veneratione, usurpare, quibus po-  
stremam suarum Eclogarum Virgilius exordiebatur.  
Neque enim spes aut votum est, in illud tem-  
pus vitam protrahendi, quod denuo necessitatem  
mihi adferat, & experiendi, & publice testandi,  
quantum virentia adhuc genua valuerint prae are-  
scentibus longa aetate ac labore, vacillantibusque.  
Gaudeo interea impense, eum mihi summorum  
in iure honorum Candidatum obtigisse, qui natio-  
ne atque ingenio, itemque eruditione ac moribus  
insignis, non indecorem praesenti meo muneri  
coronidem imponat.

Opportune autem in memoriam recidit cele-  
berrimum Atheniensium templum, ab Ictino, utque  
aliqui addunt, Callicrate, stupenda arte & con-  
cinni-

cinnitate exstructum, a Minerua Parthenia, cui sacrum erat; vel ut malunt alii, a virginibus filiabus Erechtei, Parthenon appellatum. In eo admirandum spectabatur Mineruae simulacrum, a Phidia ex ebore & auro elaboratum, stans rectum in tunica talari, gerensque in pectore Medusae caput, cuius utramque galeae partem in cono Gryphes tenebant, Spinge supereminente. Gryphes, genus ferarum erant, corpore leones, alis & facie aquilas praeferebant: a quibus non multum differebat Sphinx, pennis referens volucrum, corpore leonem, solo capite ac facie puellae effigiem. De quo monstro, ex Typhone & Echidna, ut Poetae fabulantur, progenito, passim mythologiae auctores. Quorum nos non tam fidem, quam vestigia, iam tum non ubiuis consentientium, sequemur: nequaquam rem ipsam ad examen vocaturi; sed occasionem tantum hinc accepturi, praesenti instituto aliquam conciliandi amoenitatem. Sicut iam initio, hisce, atque aliis id genus fabulis, & quae visenda exhibebantur, hominum aut brutorum animalium simulacris, totam sapientiam humanam Graeci felicissimo ingenio comprehendebant: quam a vulgi oculis, in externa duntaxat specie ac figura stupentibus, longe submotam, solis mentibus, ad interiora penetrantibus, censebant reuelandam. Equidem pulcherrimum illud Mineruae Phidiae signum, quod primo statim adspectu rapiebat oculos, cum iisque animos, copiosum nobis praeberet argumentum, de Iurisprudencia nostra, non sine speciosa compa-

comparatione, differendi. Sed quum instituti habenda sit ratio, solam Sphingem liceat considerare.

Sedebat haec in Sphingio monte, iuxta Thebas, atque inde in viatores impetum faciens,

*Pallentes erecta genas, suffusaque tabo*

*Lumina,*

aegre soluendum singulis aenigma proponebat: cuius abstrusam significationem quisquis non adsequebatur, ignorantiam suam praesentissima morte luere cogebatur. Grassabatur hoc monstrum tandiu, & sine spe eiusdem de medio tollendi, donec Apollo consultus, tunc denum finem id malum habiturum respondit, si quis perplexissima huc usque Sphingis quaesita explicuisset. Promulgauit confestim, Thebanorum rex, Creon, per vniuersam Graeciam edictum, sique reperiretur vsquam, qui aenigma monstri & latentes dolos reiectum iret, huic Iocastam sororem, Laii regis viduam, in uxorem & praemium promittebat. Inuentus postremo omnium est Oedipus, qui discussa aenigmatis nebula, quatuor hominis aetates significantis, effecit, ut praeter spem deprehensa Sphinx, ipsam sese protinus de saxo daret praecipitem, &

*Tristis inexplenam scopulis affigeret aluum.*

Hoc fatum fuit monstri, quod multorum antehac calamitas fuerat ac perniciēs.

Si ad Iurisprudentiam nostram respiciamus: quis obsecro neget, cum Sphinge eam optimo maximo iure posse comparari? Quam qui e longin-

A 3

quo

quo contemplantur, non possunt non, tamquam venustissimae virginis specie delectari: at considera eam propius, tam horrida, tam tetrica apparebit, ut non multum dissimilis monstro per aenigmata insidianti videatur. Neque vnum tibi occurrer, difficulter dissoluendum; sed magna congeries aenigmatum, tam perplexorum, ut vere crux & calamitas ingeniorum dicantur. Iam si ad cathedrarias aut forenses disceptationes veniatur; si cui obiciatur aduersarius probe exercitatus, & callidus sophismatum artifex, inque medio contentionis discrimine nullum meditandi, aut elabendi vias quaerendi, spatium relinquens: quid animi sit in tantas angustias redacto, & versos in se aliorum oculos, versos animos, in risum quam applausum proniores, contuenti?

*Heic videas, ingentes trepidare Titos,  
& cor, Plautiniani exemplo Euclionis, artem facere ludicram.*

Equidem non proprium hoc est solis iuridicis; sed commune omnibus in omni scientiarum ac disciplinarum genere disceptationibus: ad quod genus exercitationum certum est, non omnia ingenia esse nata ac facta: quin quaedam ab illis adeo abhorrent, ut oblatas sibi satis honestas, & ad familiam sustentandam sufficientes conditiones, ea tantum de causa, quod exercendae in disputando iuuentutis onus adiectum esset, recusauerint. Quin quosdam videas, solam docendae rationalis philosophiae prouinciam, tamquam genio suo repugnantem,

tem, refugisse. Cuius notabile exemplum Augustus Buchnerus fuit, quum ei regendae Portensis scholae Sparta offerretur; factus postea tam praeclarus Wittebergenfis Lycei Poeta & Orator. Mihi quoque idoneos laudare testes liceret, in celebri Gymnasio, virum alias doctissimum, & disputationibus fatigatum, a quodam discipulorum, ingenio valentem, ac postmodum in Academia tam logicae quam metaphysicae, quibus natus erat, professione, summas laudes merentem, tam arte fuisse habitum, ut magno ille redemptum voluerit, in arenam cum isto iuvene, ac super haec discipulo suo, nunquam descendisse.

Atque adeo quantum Thebanica Sphinx olim in hominum vitam; tantum Scholastica siue Academica in existimationem, quam vitae parem haberi peruulgatum est, saevit; maxime, ubi exagitationum adhuc regnat licentia. Datique non semel in pudorem, quibus malo suo fato contigit, ut per integras horas & in meridiem usque, ab aduersa parte vexati, quum nullam, quocunque se verterent, inuenirent viam, qua illaqueati sese expedirent, tandem ipso monstrante aduersario, nullum futurum esse disputandi finem, quamdiu neglecta syllogismi forma ad materiam responderetur; adiecta admonitione, posthac tam vili pendendas non esse philosophicas subtilitates, cum risu auditorii docerentur. Quin factum quondam recordamur, ut delapsus in tales exagitandi magistros, quum perpetuis cachinnis auditorum diu expositus fuisset, peracto toto praelii ludi-

ludibrio, non vetus repeteret hospitium; sed recta, quo ad portam vrbis via ducebat, contenderet, nunquam reflexurus pedem. Tanti refert, ingenium ad certamina talia apportare, istarum praeceptis disciplinarum, praecipue formandorum, atque excutiendorum syllogismorum, probe subactum.

Animaduertere hinc licet, viros existimationis suae & auctoritatis seruantes, aliisque rebus omnibus, quam disputationibus, factos ac deditos, quo semet a contemptu speciosius protegerent, totam syllogisticam disceptandi formam nihili facere consueuisse, & ludibrii causa exempla obiecisse, quae facile cuiuis deprehendat, tanti non esse, ut cum in modum cum quoquam serio congregiatur. At vero, ubi illis ipsis prodeundum fuisset in aciem, in qua, omiſſis omnibus sophismatum insidiis, vero veri ardore, & conceptis rite syllogismis, pugnari mos est: tum scilicet intellecturi forsitan fuissent, quantum in arduo argumento, ad eruendam veritatem faciat hoc certandi genus, quamque non obuia sit cuiuis, nisi Alexandrino gladio vtatur, nexos sibi Gordios nodos dissoluendi ratio. Enimvero, quantus, quantus paucis abhinc annis Ianus Vincentius Graulina orator fuerit; quantum nomen ex philosophiae ac iuris historia; quantum ex Platonicae sapientiae cultu atque imitatione fuerit consequutus: palam tamen non vno exemplo fecit, Aristotelem, huiusque sectatores, & eorundem docendi ac disputandi morem, non sine existimationis suae periculo nimis contemptum habuisse, eque scriptis,



scriptis, quae reliquit, vix modicos prodituros philosophos. Fortassis etiam clarissimus alias vir, & eloquentia atque eruditione multis praeferendus, Io. Henricus Boeclerus, eadem de causa, quod metaphysico ingenio deficeretur; sed honesto praetextu, a syllogistica disputandi consuetudine suos abducebat: ut verendum sit, ne idem in eundem Bataui probrum, quod ipse illis obiiciebat, reiecturi fuissent: *Miserum esse disputatorem*. Hinc etiam putauerim, istam in excutiendis metaphysicis, siue tale ingenium postulantibus, argumentis, lentitudinem, locum non nemini fecisse, ut perpetuam ipsi exprobraret iudicii inopiam.

Spectauimus fabulosae Graeciae Sphingem Thebanam, cui vnicus Oedipus, quamquam miserabili suo simul fato, fuit fatalis: spectauimus etiam Scholasticam siue Academicam; sed quae non vnum sibi oppositum habet Oedipum: neque aut illam succumbentem, aut hunc vincentem tristiore suo malo. Oedipum nostrum praeparatum certamini oportet, sollertiore doctrina, & enixo diuinae humanaeque sapientiae, in primis, quod ad iurisprudentiam attinet, singularum eius partiunt studio. Nam ita demum effici potest, ut quis victor euadat felicissimus, nec sibi soli, sed plurimis prodesse mortalibus possit, de fortunis, deque vita ipsa periclitaturis, nisi reperiat, qui in ambiguis, & maxime perplexis articulis iuris, quidnam iustitiae vbique exigat ratio, demonstret. Qui illuc venerit, ut explicare legum ac controuersiarum nodos,

B

atque

atque hoc in ipso forensium negotiorum aestu, queat, in quo tot Sphinges, quot causae ac lites sunt, is Oedipus nobis erit, suam salutariter operam mortalibus praebiturus.

Neque sine mercede ac praemio laborum dimittendus est. Sane Iocostam sororem pollicebatur, & in matrimonium dabat Creon Oedipo: quod grande, ac laetissimum in speciem beneficium, necopino fato in miseri hominis perniciem vertit. Quippe ignarus, matri se suae iunctum, postquam id rescivit, dolore percitus, sibi ipsi in poenam oculos eruit. Longe meliora & tutiora sunt eorum, qui iurisprudentiae semet implicant aenigmatibus, praemia. His parati honores ac dignitates; his parata in republica munia splendidissima: quibus decorati, oculos in se non solius turbae vertunt, neque capti luminibus cum Oedipo, sed lux & splendor potius patriae suae. Quamquam si retinenda est comparatio, non dissimulari debet, in tanto eorum, qui aenigmatum iuris solvendorum peritiam iactitant, & fori comprimis iurgia sectantur, numero, non deesse homines, Graecorum Oedipo calamitate sati haud dispares. Qui scilicet sordida quaestus libidine, ipsam iustitiam, & animam nutricem suam, iurisprudentiam, constuprant: qui pariter hinc, non dolore ex facinoribus, sed animi improbitate, oculos sibi suos ipsimet eripiunt, & bonae existimationis lumen extinguunt, omnium, quibus recti iustique intellectus & cura, iustissimam merentes auersionem.

Longe

Longe ab Oedipi fato huc vsque abfuit, longe, vt confidimus, abfuturus eft, dignus tamen Oedipi laude, & veris, nihil non laeti habentibus praemiis, Candidatus fumorum in vtroque iure honorum clariffimus,

## FRIDERICUS GVILIELMVS MVLLERVS

Ifenbytanus in Luncburgenfibus.

Productus in hunc orbem eft in Ducatus Luneburgici pago, cui Ifenbyta nomen; non illud illuftre quidem, nec quibus ipfae vrbes, cum primis cultiffima metropolis eminet, decoribus fulgens; fed tamen honeftis viris, & ingeniis, fua quouis patriam laude ornantibus, foecunda. Cui multum lucis attulit etiam optimus noftri parens, *Michael Mullerus*, diuini verbi egregius & reuerendus praeco, non eruditione minus, quam doctrinae ac vitae integritate late confpiciuus ac celebratus. Ille imperita fibi diuinitus hac prole, anno labentis faeculi primo, die vndecimo Augufti, quantum laetabatur cum dulciffima vxore, *Sophia Margaretha Beckeria*, hoc caftiffimi matrimonii pignore; tantum in recte educando, vt ingenium atque animus, moresque, litteris, & religionis praeceptis, innoxiiisque exemplis excolerentur, laborabat. Quamprimum capere doctrinam nofter per aetatem poterat, tradebatur domefticae institutioni *Ioannis Friderici Prallii*; minifterio deinde facro, in multorum salutem, fungens;

tis: cuius sollertiam, atque ad humanioris litteraturae elementa saluberrimum ductum, etiamnum gratus agnoscit, ac voluit memorari. Maturior gravioribus doctrinis, Brunswigam ablegabatur: ut in frequenti Martiniani Gymnasii coetu, decora aemulatione excitaretur. Moderabantur illud tum temporis clarissimi viri, *Weichmannus* & *Pohlmannus*, alter Rectoris, alter Conrectoris nomine; uterque suarum partium bene memores, & iuventuti, qua linguas non modo, Latinam cum Graeca, quin Hebraicam quoque, haurirent; sed etiam ad artes atque scientias, academicarum meditationum praeludia, viam inonstrantes. Satis instructus censebatur ad academicam palaestram adeundam, quum anno octavo decimo labentis saeculi huc mitteretur, patre, studiis filii optime apud nos consultum iri, existimante. Neque illè consilium ac iussa paterna destituit, ordine legitimo, & labore debito, impositas sibi partes aggressus. Ac primum omnium philosophiae dedit operam; praeter priuatas superstitis tum adhuc publicae Bibliothecae praefecti, *Reichardi*, lectiones, frequentatis *Syrbianis*, *Wiedeburgianis* & *Walbianis* celeberrimis scholis, rationalis doctrinae praecepta, & mathematica dogmata, quaeque pariter a litteratura commendantur, gnauiter hauriens. Hisce praesidiis quum satis, proficincto, paratis maioribus censeretur, primariam ad metam recta tetendit cursum. Docbat tum domi suae *D. Pragemannus*, ciuilis iuris fundamenta; sed valetudine infirmiore: validiore autem, & multo

multo successu, idem *D. Dittmarus* iuuentuti prae-  
 bat. Quumque hos sedulo audiisset, publicorum  
 praeterea iuris interpretum auditoria sollers obibat,  
 celebratis nunc *Struianis*, nunc *Beckianis*, praeter-  
 ea & *Schroetterianis* & *Frisianis*, in diuersas iuris par-  
 tes recitationibus: quorum singulorum doctrinas  
 auida hauriebat aure, vt non posset non legali  
 eruditione indies locupletari. Auctore iusuper a-  
 vunculo, sibi venerando, *Vrico Georgio Beckero*,  
 summi tribunalis Regii, quod Cellis est, Ad-  
 uocato & Procuratore ordinario, quae id genus  
 tribunalium facies ac forma esset, in futurum sui  
 vsum praesens explorabat: hincque redux, vicinas  
 nobis inclitas Academias, Lipsiensem atque Hallen-  
 sem, & illustrantes vnamquamque viros praestan-  
 tissimos adibat, ex adpectu & affatu cuiusque, tum  
 animi alacritatem & impetum maiorem, tum quae  
 ad eruditionem aut prudentiam factura essent, ca-  
 pessurus. Peregit tandem longum studiorum cur-  
 sum; vtque publico testimonio, de laudatissima  
 eius ratione, cui perpetua vitae honestas comes  
 fuit, constaret, Collegio semet nostro per solle-  
 mnia explorandum obtulit examina. In quibus  
 quum pulchre omnino stetisset, ad publi-  
 cum quoque inauguralis Disputationis specimen,  
 quo ad summos in iure honores viam sterni vetus-  
 mos est, consensu admisimus. Cui certaminē, du-  
 ctu & praesidio illustris viri, *Christiani Walduegeli*,  
 iureconsulti & consilarii Saxo - Innacentis antimi-  
 natoris & facultatis nostrae Senioris excellen-

B 3

tissimū,

tissimi, proxime instituendo, ut fauentes interesse dignentur, Magnificus Academiae ProRector, illustrissimorum par Comitum, Proceres omnium Ordinum grauissimi, quique alias hoc Lyceum aut Ciuitatem condecorant, cum generosa ac nobilissima studiosae Pubis corona, reuerenter, obsequiose, & opere, quanto possum maximo, gratissimam & meam & Candidati promittendo mentem, exortum venio. P. P. in Academia Ienensi, die III Februarii, M DCC XXVI.





In Supplementum addere placet, quae Ianus Vincentius Graulina censorio rigore differit Orat. V *De reſta in iure diſceptandi ratione*. Et quoniam, inquit: homines ad perſpectam veritatem natura ipſa ferimur, ideo nihil de arguendi forma laborandum, dummodo veritati propugnandae, falſitatisque confutandae idonea ſit, atque apta ſenſibus, rebusque conueniens. Etenim conſuſiones verae non e formis illis puerilibus argumentorum exoriuntur; ſed ex ipſius veritate materiae: quae, quibuſcumque verborum formulis eluceat, ſuapte vi mentibus dominatur. An enim, ſi fueris forte probaturus, Sempronium filium a Titio patre exheredari non poſſe, minus rem demonſtraueris, cum dixeris, non licere Titio exheredare Sempronium filium, quia filius exheredari ſine cauſſa non poteſt: quam ſi dialecticus vitiligator effectus, hunc ſyllogiſmum intorſeris?

*Filius a patre ſine cauſſa exheredari nequeunt:*

*Sempronius Titio eſt filius:*

*Ergo Sempronius nequit a Titio ſine cauſſa exheredari.*

O frigidam & ſtomachofam! o vanam importunamque verborum circuitiorem! ſi tribus perſpicuis vocibus, communi more compositis, rem ſimpliciter expedireſſes! At fortaiſſe dubiae res atque ancipites forma dialecticorum certae redduntur. Itane? quaſi ex argumentorum forma, quae venit extrinſecus, non ex interna facultate hominis, res ipſas permeante, certum de incerto eruatur: nempe ope ſenſuum, & experimentorum, & notionum aeternarum, quas ab ortu ſuo ſecum animi attulerunt. Quod niſi veritatem hiſce instrumentis adipiſcaris, fruſtra ſyllogiſmini adhibueris opem: non enim ante ſyllogiſmum vnquam extruxeris, quam veritatem  
in

in syllogifinum conferendam aflequare. Veritas enim haudquaquam per tria illa fyllogifimi enunciata diftrahitur: fed tota continetur in primo. Vnde ante veritatem cognofcimus, quam fyllogifinum concluderimus. Qui enim probat Stichum efle feruum hoc fyllogifino:

*Omnes bello capti funt ferui:*

*Stichus eft bello captus:*

*Ergo Stichus eft feruus:*

oportet animaduertiſſe Stichum inter bello captos in prima enunciatione, ab inductione orta, vbi comprehendit omnes, antequam ad extremum fyllogifimi perueniret.

Quorſum igitur tua haec, felix dialectice, mira formarum inuentio; niſi vt plaufu, & lucro cum tuo, adoleſcentium ingenia miſerrime torqueas, atque a contemplatione rerum abſtrahas ad ſteriliſſimum examen ſtudiumque formularum: vnde aſſueſcant rationum veritatem ac falſitatem, non propria cognitione, ſed ex verborum ſono, ac vocabulorum textura diſcernere? Vnde non mirum, ſi praeclara omnia Philoſophorum reperta prodire, antequam ſophiſtae noſtri ſuam explicarent enthymenatum & fyllogiſmorum aciem, rectae rationis diu victricem. Cuius ductores, poſtquam tendiculis illis homines ad ſe conuerterunt, adeo arefecerunt ingenia, vt non niſi hoc abiecto praefſtigiario ſtudio, ad ſperam inuentorum redierimus.

